



## Universitätsbibliothek Paderborn

**Saxonia || Et || Metropolis || Alberti Crantzii || Historici  
Doctiss. Sacrae || Theologiæ & Iuris Canonici Doctoris |||  
celeberrimi, ac Ecclesiæ Ham-||burgensis quondam  
Decani**

**Krantz, Albert**

**Coloniae, 1574**

Capvt XXXVIII.

**urn:nbn:de:hbz:466:1-11453**

Peruenit deinde causa ad regem Romanorum Sigismundum, qui, euocatis in causam ducibus, in ea procedere connisus est. Per arbitramentum productam illa causam crediderim: nam legitimo iure Daniae regnum, cui paret ducatus, Romanorum Imperio nil debere contendit. Misit Sigismundus ad regem Daniae, quod in Dania scripsimus, oratorem Sclaviae ducem, qui rebus optimè compositis, iam de reditu cogitans, vitam finiuit in legatione. Vbi ille defecit, iam compositionis via intercedit. Dux maior natu, pro se & fratribus euocatur ad reditum: Non detrectat ire viam longinquam & periculosa, usque in Bohemiam loco constituto: ubi neminem reperiens ad agendam causam, neque iudicem, neque partem alteram videns, de diligentia sua protestatus, reuertitur. Misit deinde Imperator quendam ad elicienda causa documenta doctorem. Hic attestationibus acceptis, & literis ad causam facientibus transsumptis, probationes ad causam habere sibi visus est terminandam. Duces ab illo pridem conuenti, ut litteras si quas haberent, coram illo ederent, constituto in Flensburg loco, responderunt, literas in hostili loco non ostensuros, idque ne perurgeret, efflagitabant: in Sleswico exhibere paratos, quas tenerent. Nuncius interim regis Sigismundi, acceptis attestationibus a rege Daniae, redibat ad dominum suum, contumaciam in ea parte ducum reputans. Iterum duces euocantur ad audiendum sententiam in Ouen (Latini Budam dixere) Hungaria vrbe primaria: nam hoc regnum suberat ab initio regiminis sui Sigismundo. Dux conuocato in Bornehouede terrae sua concilio, de agendis deliberauere. Aderat Iohannes Lubicensis episcopus vir doctissimus, Si-

CCC 3 gismun-

gismondo regi non ignotus: qui in eadem causa ex ore  
dicti regis se audisse testaretur, non futurum illum pra-  
cipitem ad exhaeredandos iuuenes principes: ad inuen-  
dam compositionem esse operam omnem conuertendam.  
Qua ex re duces, et si maior Henricus nuper magnola-  
bore, periculo & sumptibus frustra transierit, tamen  
non omittendam pro dignitate legationem consense-  
runt: Aderat ex consiliariis vir sensatus, qui vbi intel-  
lexit rerum inclinationem, præfatus veniam, hac inter-  
posuit: Audio, inquit, illustres domini, quia nuper se-  
cundò ad causam euocati, ire vel mittere decreuistis  
Vngariam: Pace vestra & aliorum melius sentientium  
sententia semper salua, mihi si effari licet, alia sedet in  
animo sententia, nullo vos ad eundum iure constringi:  
quia compromissum erat in diem & locum, quibus fu-  
strati nuper inclyte dux Henrice, neque iudicem, ne-  
que partem compreñisti: nisi à vobis denù si repeti-  
tum compromissum, arbitror primum expirasse, nec te-  
neri in loco citationis comparere, neque in regem Vn-  
garie, neq; Romanorum consentire: locus enim insecurus  
est propter Bohemorum grassantem in omnes impro-  
bitatem: Nam & Alemanniæ principes audio priuilegiis  
esse communitos, quod non teneantur in locis extra Im-  
perij limites comparere, cuius priuilegij conservator  
fertur esse comes de Zwarteborg. Insuper rex Vnga-  
riæ atque Daniæ sunt consobrini, in secundo gradu con-  
sanguinitatis sibi cohærentes. Pater enim regis Daniæ,  
& mater Sigismundi, soror & frater fuere: qua vel so-  
la est legitima causa iudicem declinandi: Vnde mihi  
videtur ab ea citatione ad summum pontificem prouo-  
candum. Sed huic consulenti nullum desuper exitius re-  
sponsum. Sed initio cum Iohanne episcopo, & Nicolao

Zachowen



Zachowen Lubicensi canonico, Iohannis in pontificatu  
successore, consilio, Henricus dux iterum contendit cum  
eisdem pralatis ad Sigismundi regis presentiam: sperans  
eundem regem, assumptis electoribus, rem omnem per  
compositionem dirempturum.

## CAP V T XXXIX.

**V**bi peruenit Henricus dux in curiam regis Ro-  
manorum Sigismundi, vidit aduersantem sibi  
regem, Sigismundus assumptis, qui aderant, nonnullis  
principibus & baronibus, instructus ad causam documē-  
tis, quae nuper eius nuncius ex Dania attulisset, senten-  
tiā promulgauit: Henricum, Adolphum, Gerhardum,  
Holſatia comites ducatum Sleswicensem iniuste possi-  
dere, & ad illum regi Danorum restituendum conde-  
mnauit. Lata sententia, Sigismundus se interponens  
compositioni, exhibuit regis nomine danda ducibus in  
vī concordiæ trecentena aureorum millia, in super Lā-  
landiam ad ducatus possessionē euacuandam. Sed Hen-  
ricus dux auersas habuit aures: & ab iniqua sententia  
summi pontificis audientiam appellauit: Hoc erat lau-  
dum reducere ad arbitrium boni viri. Nam quod fue-  
rit sententia legitimi iudicis, prorsus non intelligo, nisi  
se spontē rex Imperio subiecerit, quod proceres passi non  
fussent. Dux misso in eam causam procuratore ad Ur-  
bem Nicolao de Sachowen, obtinuit causam commitii  
Theoderico Coloniensi archiepiscopo. Sigismundus in-  
dignatus summo pontifici, quod causas coram se per-  
sententiam terminatas attrectare tentaret, multa fecit,  
ut Papa commissionem reuocaret. Sed ubi causa iuris  
prosequendi substitit, cetera sunt militari manu expe-  
dita, quemadmodū in Dania sumus exequuti: Nunc  
hoc solum attingentes, quod Saxoniciis rebus innititur.

CCC 4 CAP V T

